

## El barchiroeu

L' era un unich via vai de barchi e barchiroeu,  
partivan cunt la gent vers Milaa, e tocc eran cuntent,  
una volta la gita l' era quèla de pruà ste emusion....

Festa in borgo, per i bagaj dela prima cumenion,  
festa per tocc quej innamorà, che vedivan al speciass  
di moviment nej ondi, per una serenada delisiusa  
suta l' incant d' una sira al car dela luna.

Al faseva anca un po de taxi, so e gio per sto Navili,  
in lunch e in larch fina a sira, l' era al re de sti delisi,  
semper in moviment, per trasport del maeral de custrusion,  
sabbia, sass, e alter rob, er fa la sua cunsegna in urari.....  
ogni tant una sifulada e una canson, per fas un po de cumpagnia,  
al sbusava la scighera cul barcon, stava atent ala riva,  
cun una remada al ritornava in mess ala curent,  
ogni tant al ligava sto barcon, visen aj pustasion de riposs,  
nel sò traget, al faseva anca cunsegn pustaj, certi volt  
al pisulava er ripusà, per pare el alegar e sifulent.

Certi volt al trasport, vegniva fa cunt i cavaj,  
un' oltra emusion particular, la prora del barcon,  
al so pasacc, la pasava instacabilment del so andà,  
tra casen e cà, un frenetich saludà, l' era veramet una delisia  
de trasport e de amicisia....pasegià a dree i riff del Navili,  
anca mò al de d' inco, sa pot vidè quel che resta de sto mistee,  
al penser de sti viacc, podan purtà a una erta nustalgia,  
in lontanansa sa vet a mò un grant fantasma,  
al barchiroeu cul remà in scima al so barcon.